

ro pag sueat apang gina basa sunô sa pag basa sa inakeanón. Hwa: *Harina*, nga ro *h* hay gina mitlang nga hawid sa *j* o *g* sa kinatsilâ.

Kasaysayan ku pag baylo sa pagsueat.

Ro pag baylo ku pag sueat ku mga bisaea nga sa iba nga hambae mag halin hay may mga wa gaayon, ag tungod kara hay igasaysay do mga masunod:

(a) Ro bisaeá pananglitan nga *horas* dapat isueát sa inakeanón it *oras* sanglit ay kon isueát it may *h* hay bukon eon it *oras* kon basahon, ay ro *h* sa binisayâ hay katuead it *j* o *g* sa kinatsilâ.

(b) Sa kinatsilâ ag ininglés hay madamue do mga bisaeá nga sa *latin* mag halin, ag kon isueát sa kinatsila o ininglés hay gina umán man do pag sueát. Agúd maathagan hay iga pahayag do masunod:

Latín	Kinatsilâ	Ininglés	Inakeanón
Philosophia	Filosofia	Philosophy	Pilosopiya
Sciencia	Ciencia	Science	Kaáeamán
Societas	Sociedad	Society	Katibyugan
Estudere	Estudiar	Study (to)	Pag tuón

Atong nakitâ sa kinag paathag, nga maski ro kinatsilâ ag ininglés kon mag bué it hambae sa latin, hay gina bayluhan man do pag sueát,